

Upravni odbor Lovnog kinološkog saveza u FBiH (LKSUFBIH) na sjednici održanoj 30.08.2021. a na osnovu člana 25. Statuta LKSUFBIH donosi

PRAVILNIK O DODJELI PRIZNANJA I ODLIKOVANJA U LOVNOJ KINOLOGIJI

Član 1.

Ovim pravilnikom utvrđuju se vrste priznanja i odlikovanja, kao i način i uslovi dodjele odlikovanja i priznanja koje dodjeljuje LKSUFBIH.

Član 2.

Priznanja i odlikovanja LKSUFBIH mogu se dodjeliti pravnim i fizičkim licima.

Član 3.

Odluku o dodjeli priznanja i odlikovanja donosi Upravni odbor na kraju kalendarske godine, a na prijedlog članica LKSUFBIH.

Izuzetno moguće je da se nominuju lica na prijedlog Stručne službe ili Upravnog odbora LKSUFBIH.

Član 4.

Članica ima pravo da nominuje jednu osobu iz svog članstva svake kalendarske godine za priznanja i odlikovanja LKSUFBIH.

Član 5.

Izuzetno moguće je u slučajevima jubileja, posebnih uspjeha tražiti dodatno priznanje u toku jedne kalendarske godine.

Član 6.

Za priznanja i odlikovanja LKSUFBIH predlažu se osobe koje

1. Svojim radom doprinose razvoju lovne kinologije
2. Rade naučno-istraživačke radove u oblasti kinologije
3. Promovišu i rade na očuvanju autohtone vrste-bosanskog oštrodlakog lovnog goniča „baraka“
4. Aktivno rade na organizaciji kinoloških aktivnosti
5. Postižu izuzetne rezultate sa svojim psima na kinološkim manifestacijama
6. Podržavaju rad LKSUFBIH

Član 7.

Priznanja LKSUFBIH su:

1. Zahvalnica LKSuFBiH
2. Diploma LKSuFBiH
3. Plaketa LKSuFBiH

Član 8.

Za Zahvalnicu LKSUFBIH može se predložiti osoba koja pet i više godina aktivno djeluje na polju kinologije, a koja je uzoran kinološki radnik i protiv kojeg se ne vodi i nije vođen disciplinski postupak, ili osoba koja se ističe rezultatima sa kinoloških aktivnosti sa svojim psima.

Zahvalnica LKSuFBiH može se dodjeliti i osobama koje se ne bave kinologijom ali su svojim djelovanjem pomogli rad LKSuFBiH.

Izgled Zahvalnice propisuje Upravni odbor LKSuFBiH.

Član 9.

Za Diplomu LKSUFBIH predlaže se osoba koja je dobitnik Zahvalnice i koja minimalno osam godina aktivno radi na polju lovne kinologije ili se ističe rezultatima sa kinoloških aktivnosti sa svojim psima.

Diploma LKSuFBiH može se dodjeliti i osobama koje se ne bave kinologijom ali su svojim djelovanjem pomogli rad LKSuFBiH.

Izgled Diplome propisuje Upravni odbor LKSuFBiH.

Diploma se može, u izuzetnim slučajevima, dati i u slučaju bez ispunjena uslova, a uz obrazloženje.

Član 10.

Plaketa LKSuFBiH dodjeljuje se članovima i članicama za izuzetne kinološke rezultate, a u povodu posebnih jubileja LKSuFBiH ili SLOuBiH.

Plaketu LKSuFBiH prati i značka dimenzija 40*30 milimetara okruglog oblika od mesinga. U sredini na aversu se nalazi glava baraka. Iznad je upisano „LKSuFBiH“, dok sa donje strane piše „Plaketa LKSuFBiH“

Plaketa LKSuFBiH može se dodijeliti i pravnim licima na prijedlog članice ili Upravnog odbora LKSuFBiH.

Član 11.

Način podnošenja prijedloga za priznanja vrši se tako da se popuni obrazac koji se nalazi na kraju ovog pravilnika sa svim traženim podacima. Za istinitost podatak odgovara predsjednik članice i kinološki referent koji je dužan potpisati se na prijavu. Rok za dostavu prijedloga je 31.mart tekuće godine na adresu LKSuFBiH, Petrakijina 24, Sarajevo.

Član 12.

Upravni odbor LKSuFBiH zadržava pravo oduzimanja dodjeljenih odlikovanja u slučaju da sazna da se dobitnik priznanja ne ponaša u skladu sa normama postavljenim u polju kinologije.

Prijedlog za oduzimanje stečenog priznanja može pokrenuti i članica, koja u svom zahtjevu mora navesti tačan ralog/razloge za oduzimanje istog.

Konačnu odluku donosi Upravni odbor LKSUFBIH, a ista će biti objavljena u Lovačkom listu.

Član 13.

Tumačenje ovog pravilnika daju Upravni odbor LKSUFBIH.

Član 14.

Pravilnik stupa na snagu danom usvajanja na Upravnom odboru.



Predsjednik Muhidin Handžić

Datum_____

Broj:_____

Članica LD _____predlaže osobu/pravno lice _____

Za priznanje Zahvalnica Diploma Plaketa

iz oblasti kinologije.

Imenovani je aktivan na polju kinologije od: _____. Godine

Obrazloženje

MP

Za tačnost podataka odgovara
Predsjednik LD _____